

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona”, broj 7/10) i Procjene općinskih štabova Civilne zaštite o stanju i mogućnostima početka nastave u osnovnim i srednjim školama na području Zeničko-dobojskog kantona, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 166. sjednici, održanoj dana 27.05.2014. godine, d o n o s i

ZAKLJUČAK

o izmjenama i dopunama Zaključka Vlade Zeničko-dobojskog kantona
broj: 02-38-10692/14 od 23.05.2014. godine

I.

Na osnovu pribavljene procjene Općinskog štaba Civilne zaštite Zavidovići o stanju na području općine Zavidovići i preporuke za otpočinjanje redovne nastave u školama na području općine Zavidovići date aktom broj: 07-49-7-619-22/14 od 27.05.2014. godine, Vlada Zeničko-dobojskog kantona dopunjava Zaključak Vlade Zeničko-dobojskog kantona broj: 02-38-10692/14 od 23.05.2014. u smislu da daje saglasnost o nastavku odgojno-obrazovnog procesa, **počev od 28.05.2014. godine** i u općini Zavidovići u svim osnovnim i srednjim školama.

U navedenim školama nastavna godina će biti završena prema važećem Nastavnom kalendaru, uz obavezu realizacije nastavnog programa.

Obavezuju se škole da prime sve učenike iz ugroženih područja koji se prijave u najbližu osnovnu ili srednju školu, bez obzira da li u momentu prijavljivanja posjeduju potrebnu dokumentaciju.

Sve škole i dalje imaju obavezu održavanja neposredne komunikacije sa općinskim štabovima civilne zaštite i nadležnim službama za epidemiološku zaštitu, a u slučaju da voda za redovnu upotrebu bude higijenski neispravna, obavezno osiguraju pitku vodu za učenike, nastavnike i osoblje škole.

II.

Zadužuje se Ministarstvo za obrazovanje, nauku, kulturu i sport da u saradnji sa aktivom direktora škola na području općine Zavidovići, u cijelosti realiziraju ovaj zaključak, svako u okvirima svojih nadležnosti.

III.

Zaključak stupa na snagu danom donošenja.

Broj: 02-_____/14.

Datum, 27.05.2014. godine

Zenica

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za obrazovanje, nauku, kulturu i sport,

1x Svim osnovnim i srednjim školama (putem Ministarstva),

1x Kantonalni štab Civilne zaštite (putem Ministarstva),

1x Općinski štab Civilne zaštite Općine Zavidovići (putem Ministarstva),

1x a/a.